

**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA**

Broj:02-011- 209/'00
Sarajevo, 08.09.2000.god.

Z A P I S N I K

**22. sjednice Doma naroda Parlamentarne skupštine Bosne i Hercegovine
održane 08.09. 2000. godine**

Sjednica je počela u 11,10 sati.

Sjednicom je predsjedavao Drago Ljubičić, predsjedavajući Doma naroda Parlamentarne skupštine Bosne i Hercegovine.

Na sjednici Doma bilo je 15 delegata.

Na sjednici su bili i: Fatima Leho, zamjenik ministra za trezor institucija BiH, Anton Ril, zamjenik ministra za trezor institucija BiH, Nudžeim Rečica, zamjenik ministra civilnih poslova i komunikacija i Matko Kovačević u ime predlagača zakona o arhivskoj građi i Arhivu BiH.

Nakon što je utvrdio da ima kvorum, predsjedavajući je predložio sljedeći

DNEVNI RED

1. Usvajanje Zapisnika 21.sjednice Doma naroda
2. Nacrt zakona o arhivskoj građi i Arhivu BiH
3. Predlog zakona o trezoru institucija BiH
4. Informacija o zakonima, koje je donio Visoki predstavnik na privremenoj osnovi i
5. Odgovori na delegatska pitanja, delegatska pitanja i inicijative

U raspravi o dnevnom redu sudjelovali su Momir Malić i Đoko Pajić.

Delegat Đoko Pajić je predložio da se u dnevni red uvrsti Rezolucija o zaštiti osnovnih ljudskih prava i sloboda građana BiH iz oblasti izbornih prava.

Nakon rasprave prvo se glasalo o dnevnom redu koji je predložio predsjedavajući Doma naroda. Dnevni red je usvojen sa 14 glasova za i jednim uzdržanim glasom.

Nakon usvojenog dnevnog reda glasalo se o prijedlogu Đoke Pajića koji nije usvojen s obzirom na to da su za taj prijedlog glasala tri delegata, pet je bilo protiv, a sedam uzdržanih .

AD. 1. Usvajanje zapisnika 21. sjednice Doma naroda

U raspravi o zapisniku 21. sjednice niko nije sudjelovao.
Zapisnik 21. sjednice usvojen je jednoglasno.

AD. 2. Nacrt zakona o arhivskoj građi i Arhivu BiH

U raspravi o ovoj tački dnevnog reda sudjelovali su: Matko Kovačević i Momir Malić.

Sa 14 glasova za i jednim uzdržanim glasom usvojen je sljedeći zaključak: Usvaja se Nacrt zakona o arhivskoj građi i Arhivu BiH. Nacrt zakona može poslužiti kao osnova za izradu prijedloga zakona.

AD. 3. Prijedlog zakona o trezoru institucija Bosne i Hercegovine

U raspravi o ovoj tački dnevnog reda sudjelovali su: Fatima Leho i Momir Malić.
Sa 14 glasova za i jednim uzdržanim glasom Prijedlog zakona o trezoru institucija Bosne i Hercegovine usvojen je u istovjetnom tekstu kao na Predstavničkom domu Parlamentarne skupštine BiH.

AD. 4. Informacija o zakonima koje je donio Visoki predstavnik na privremenoj osnovi

U raspravi o ovoj tački dnevnog reda sudjelovali su Jadranko Tomić, koji je dao uvodne napomene o Informaciji, i Mugdim Herceg koji je predložio da se učine maksimalni napor kako bi se zakoni koje je donio Visoki predstavnik ponovo razmatrali na domovima Parlamentarne skupštine BiH.

Informacija o zakonima koje je donio Visoki predstavnik na privremenoj osnovi prihvaćena je na znanje uz konstataciju da Kolegij Doma naroda podržava prijedlog Mugdim Hercega, te da će se u vezi prijedloga obratiti i Kolegiju Predstavničkog doma.

AD. 5. Odgovori na delegatska pitanja, delegatska pitanja i inicijative

Delegat Đoko Pajić je postavio zahtjev da se do naredne sjednice Poslovnik Doma naroda objavi u "Službenom glasniku BiH".

Delegat Mugdim Herceg traži da mu Vijeće ministara odgovori na pitanje u kojim državama su DKP-i izdavali državljanstva Bosne i Hercegovine, koliko je izdato državljanstava i iz kojih su država osobe kojima su izdata državljanstva.

Delegat Mugdim Herceg traži da mu Vijeće ministara dostavi precizno, imenom i prezimenom, ko su članovi Vijeća ministara odnosno ministri u Vijeću ministara, ko su zamjenici ministara i to sa njihovom kratkom biografijom.

Delegat Mugdim Herceg traži da mu Vijeće ministara BiH i Ministarstvo za ljudska prava i izbjeglice da odgovor na pitanje koje je postavio na 19. sjednici Doma naroda, a koje se odnosi na problem Bočinje.

Magnetofonski snimak čini sastavni dio Zapisnika.

PREDSJEDAVAJUĆI
DOMA NARODA
Drago Ljubičić